

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14), a nakon provedenog otvorenog postupka za izbor dobavljača roba *Nafta i naftni derivati*, za potrebe KJP „Sarajevo-šume“ d.o.o. Sarajevo u 2020. i 2021. godini, dana 06.03.2020. godine u Sarajevu zaključen je

## OKVIRNI SPORAZUM

između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Ugovorni organ**), koga zastupa Direktor Preduzeća **Joldo Amir, dipl. ecc.**

i  
**„GREEN OIL“** Društvo sa ograničenom odgovornošću za trgovinu naftom i naftnim derivatima, sa sjedištem u Sarajevu, ul. Marka Marulića br. 4, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-19-007795 od 24.09.2019. godine; identifikacioni broj: 4200851420006; PDV broj: 200851420006 (u daljem tekstu: **Ponuđač**) koga zastupa **Muhović Reko, direktor.**  
(u daljem tekstu : **Ugovorne strane**).

### Član 1.

U skladu sa ovim Okvirnim sporazumom Ugovorne strane će tokom cijelog ugovornog perioda, zaključivati pojedinačne ugovore o predmetu javne nabavke za koji je proveden otvoreni postupak za izbor dobavljača roba za potrebe KJP „Sarajevo-šume“ d.o.o. Sarajevo u 2020. i 2021. godini, i to :

#### ***Nafta i naftni derivati***

prema Obrascu za cijenu ponude, koji je dostavljen u ponudi Ponuđača protoklisanoj kod Ugovornog organa pod brojem: 0103-2838-14/19 od 13.12.2019. godine, a koji su prilog ovog Okvirnog sporazuma i čine njegov sastavni dio.

Nabavka i sukcesivna isporuka roba iz prethodnog stava vršit će se do iznosa od **1.731.980,00 KM (slovima: jedan milionsedamstotridestjednahiljadadevetstoosamdeset KM)**, bez uračunatog PDV-a, a što će zavisiti od potreba Ugovornog organa.

### Član 2.

Okvirni sporazum se zaključuje na osnovu Zapisnika sa otvaranja ponuda za javnu nabavku roba, broj: 0103-2838-15/19 od 13.12.2019. godine, Zapisnika o pregledu i ocjeni ponuda, broj: 0103-2838-16/19 od 23.12.2019. godine i pravosnažne Odluke o dodjeli Okvirnog sporazuma o javnoj nabavci roba putem otvorenog postupka, broj: 0103-2838-20/19 od 09.01.2020. godine.

### Član 3.

Za period naveden u članu 1. Ugovorni organ će, u skladu sa članom 32. stav (2) Zakona o javnim nabavkama Bosne i Hercegovine, tokom cijelog ugovornog perioda zaključivati ugovore sa ponuđačem bez primjene postupaka utvrđenih u Zakonu o javnim nabavkama Bosne i Hercegovine, odnosno na predmetne nabavke neće se primjenjivati odredbe propisa kojim se uređuje postupak javne nabavke.

### Član 4.

Na osnovu ovog Okvirnog sporazuma Ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog Okvirnog sporazuma odnosno nabavku nafte i naftnih derivata fcco skladište, čija finansijska vrijednost odnosno period trajanja maksimalno može biti do iznosa i perioda utvrđenog u članu 1. ovog Okvirnog sporazuma, a što će zavisiti od potreba i interesa Ugovornog organa.

Pojedinačne nabavke odnosno ugovori obavezno će se zaključivati pod uslovima utvrđenim u tenderskoj dokumentaciji odnosno prema ponudi ponuđača protokolisanoj kod Ugovornog organa pod brojem 0103-2838-14/19 od 13.12.2019. godine, odnosno u skladu sa odredbama Zakona o javnim nabavkama Bosne i Hercegovine i Zakona o obligacionim odnosima FBiH.

### Član 5.

Ponuđač se obavezuje da će po specifikaciji Ugovornog organa datoj u narudžbenici vršiti sukcesivnu isporuku nafte i naftnih derivata (stavka 1. i 2. Obrasca za cijenu ponude) svojim cisternama u skladišta na prostoru kojim gazduje KJP „Sarajevo-šume“ d.o.o. Sarajevo, (Šumska uprava Srednje: OJŠ „Gajevi“, OJŠ „Šići“, OJŠ „Bistrica“, Šumska uprava Hadžići: OJŠ „Igman“, OJŠ „Tarčin“, Šumska uprava Trnovo: OJŠ „Trnovo“-radilište Delijaš, Šabići) u roku od 1 (jednog) dana od dana dostavljanja narudžbenice Ugovornog organa, a prema potrebama Ugovornog organa.

### Član 6.

Mjesto isporuke roba za stavku br. 3. Obrasca za cijenu ponude su benzinske stanice ponuđača ili kooperanta s kojim ima zaključen ugovor o saradnji i to minimalno po jedna benzinska stanica na prostoru općina Ilijaš, Hadžići i Ilidža, za koje će Ponuđač zaključiti ugovore sa podugovaračima, a u skladu sa odredbama ovog Okvirnog sporazuma i odredbama Tenderske dokumentacije, broj: 0103-2838-9/19.

Ponuđač se obavezuje da će Ugovornom organu dostaviti prijedloge ugovora sa podugovaračima, na koje će Ugovorni organ dati saglasnost nakon što utvrdi da su isti zaključeni u skladu sa odredbama ovog Okvirnog sporazuma i odredbama Tenderske dokumentacije, broj: 0103-2838-9/19.

Ponuđač se obavezuje da će Ugovornom organu vršiti isporuku-tankovanje nafte i naftnih derivata na vlastitim benzinskim pumpama ili benzinskim pumpama kooperanta s kojim ima zaključen ugovor o saradnji, a u skladu sa spisikom koji će dostaviti odmah po potpisivanju ovog Okvirnog sporazuma.

#### **Član 7.**

Ugovorni organ se obavezuje da će Ponuđaču odmah po potpisivanju ovog Okvirnog sporazuma dostaviti spisak vozila i podatke o licima koja su ovlaštena da mogu sipati gorivo na benzinskim pumpama.

#### **Član 8.**

U slučaju kašnjenja u isporuci roba, do kojeg je došlo krivicom Ponuđača, isti se obavezuje da će platiti ugovornu kaznu u skladu sa Zakonom o obligacionim odnosima u iznosu od 1 % naručiocu roba (vrijednosti ugovorene roba) za svaki dan kašnjenja do uredne isporuke, s tim da uskupan iznos ugovorne kazne ne može prijeći 10% od ukupne ugovorene vrijednosti roba koje su predmet narudžbe. Ponuđač je dužan platiti ugovornu kaznu u roku od 7 dana od dana primanja zahtjeva za plaćanje od strane Ugovornog organa.

#### **Član 9.**

Ponuđač se obavezuje da će isporuku robe vršiti na osnovu propisano popunjene narudžbenice i to ovlaštenim licima Ugovornog organa koja će preuzimati svaku pojedinačnu isporuku robe i tom prilikom potpisati otpremnicu o vrsti i količini isporučene robe.

#### **Član 10.**

Ponuđač garantuje kvalitet robe-nafte i naftnih derivata navedenih u članu 1. ovog Okvirnog sporazuma u skladu sa propisanim standardima, te da će Ugovornom organu isporučivati robu koja će biti u skladu sa propisanim standardima.

Ugovorni organ zadržava pravo da prilikom svake pojedinačne isporuke robe-nafte i naftnih derivata navedenih u članu 1. ovog Okvirnog sporazuma izvrši uzorkovanje i laboratorijsku analizu isporučenih roba o vlastitom trošku.

U slučaju reklamacije Ugovornog organa na kvalitet i kvantitet isporučene robe, Ugovorni organ će o tome obavijestiti Ponuđača, nakon čega će predstavnici ugovornih strana sačiniti zapisnik u kojem će se utvrditi stvarno stanje i predložiti rješenje spora, a Ponuđač se obavezuje da će Ugovornom organu u slučaju isporuke nekvalitetne nafte i naftnih derivata nadoknaditi svu prouzrokovanu štetu nastalu upotrebom takvog goriva.

#### **Član 11.**

Ponuđač se obavezuje da će u roku od 15 (petnaest) dana od dana zaključenja ovog Okvirnog sporazuma obezbijediti безусловnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Ugovorni organ može imati ukoliko ponuđač prekrši sporazum o nabavci od potpisivanja do njegovog ispunjenja u cijelosti.

Pokriće iz bankarske garancije ne oslobađa Ponuđača odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije.

#### **Član 12.**

Ugovorni organ se obavezuje da Ponuđaču za isporučene robe navedene u članu 1. ovog Okvirnog sporazuma u skladu sa ispostavljenom narudžbenicom plati novčanu naknadu u skladu sa jediničnim cijenama koje su dostavljene u ponudi Ponuđača i koje su utvrđene u članu 1. ovog Okvirnog sporazuma.

Cijena koju je ponudio Ponuđač može se mijenjati (povećavati ili smanjivati) nakon isteka 60 dana od dana početka primjene Okvirnog sporazuma, a na osnovu saglasnosti Ugovornog organa i saglasnosti o promjeni cijena koju izdaje nadležna institucija (nadležno Federalno Ministarstvo ili Ministarstvo u RS), što ponuđač dokazuje ovjerenim OPC obrascem o promjeni cijena, što će zavisiti od promjena cijena nafte i naftnih derivata na svjetskom tržištu i BH tržištu. Korekcija cijena će se vršiti uz saglasnost Ugovornog organa na osnovu dostavljenih svih naprijed navedenih dokumenata od strane Ponuđača.

Prije zaključivanja Aneksa Okvirnog sporazuma Ugovorni organ u svakom konkretnom slučaju zadržava pravo da provjeri da li je došlo do promjene cijena na tržištu (kod najmanje tri (3) prodavca), te ukoliko utvrdi da nije došlo do promjene cijena zadržava pravo da ne prihvati promjenu istih.

Početne cijene za korekciju su jedinične cijene date u ponudi Ponuđača, čija će se korekcija vršiti u formi izmjena i dopuna ovog Okvirnog sporazuma, odnosno Aneksa na isti.

### Član 13.

Ugovorni organ se obavezuje da će isporučenu i primljenu robu plaćati na osnovu ispostavljene fakture od strane Ponuđača i to u roku od 60 (šezdeset) dana od dana ispostavljanja fakture po svakoj pojedinačnoj isporuci, uplatom na sljedeći transakcijski račun, broj: 1410010012763037 otvoren kod BBI banke.

### Član 14.

Za realizaciju ovog Okvirnog sporazuma u ime Ugovornog organa zadužuje se Izvršni direktor Oblasti za šumarstvo.

### Član 15.

Za praćenje realizacije ovog Okvirnog sporazuma u ime Ugovornog organa zadužuje se Služba za marketing i komercijalne poslove.

### Član 16.

Okvirni sporazum primjenjuje se zbog postojanja okolnosti utvrđenih u članu 32. tačka 3. Zakona o javnim nabavkama Bosne i Hercegovine.

### Član 17.

Odredbe ovog Okvirnog sporazuma ne mogu se mijenjati nakon njegovog zaključenja.

### Član 18.

Ponuđač u svrhu izvršenja ovog Okvirnog sporazuma nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Okvirnog sporazuma, odnosno od početka realizacije Okvirnog sporazuma.

### Član 19.

Ovaj Okvirni sporazum zaključuje se na određeno vrijeme u trajanju od dana zaključenja do 31.12.2021. godine.

### Član 20.

Na sve što nije regulisano ovim Okvirnim sporazumom primjenjuju se odredbe Zakona o obligacionim odnosima F BiH.

### Član 21.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

### Član 22.

Ovaj Okvirni sporazum je sačinjen u 7 (sedam) istovjetnih primjeraka od kojih 5 (pet) zadržava Ugovorni organ, a 2 (dva) primjerka Ponuđač za svoje potrebe.

Za Ponuđača  
Direktor

Muhović Reko



Za Ugovorni organ  
Direktor

Joldo Amir, dipl. ecc.

Izvršni direktor Oblasti za šumarstvo

Tabaković Rizo, dipl. ing. šum.

Izvršni direktor Oblasti za opšte poslove

mr. sci. Muamer Bešlija

Broj: 144-03/20  
Datum: 06.03.2020. godine

Broj: 0103-2838-24/19  
Datum: 06.03.2020. godine

